



Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Internal Affairs**

**Broj: 01-11-4-3971-3**

**Dana: 05.10.2020. godine**

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19 i 31/19) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-11-4-1158 od 28.02.2020. godine u postupku javne nabavke „Nabavka pogonskog goriva za potrebe Ministarstva unutrašnjih poslova Kantona Sarajevo“, ministar unutrašnjih poslova Kantona Sarajevo, **d o n o s i**

**O D L U K U**

**o izboru ponuđača za nabavku pogonskog goriva za potrebe  
Ministarstva unutrašnjih poslova Kantona Sarajevo**

**I**

Na osnovu Odluke broj 01-11-4-3971 od 30.07.2020. godine i Obavještenja o nabavci broj 1364-1-1-62-3-50/20 od 31.08.2020. godine, proveden je otvoreni postupak nabavke pogonskog goriva za potrebe Ministarstva unutrašnjih poslova Kantona Sarajevo, uz primjenu e-aukcije.

Od strane Komisije za javne nabavke je, shodno Zakonu o javnim nabavkama BiH, primjenjujući kriterij "najniža cijena", data preporuka da se donese Odluka o dodjeli ugovora ponuđaču "Green Oil" d.o.o. Sarajevo u iznosu od 62.000,00 KM bez PDV-a (šezdesetdvijehiljade i 00/100 KM) za dvije godine na koliko je predviđeno zaključivanje okvirnog sporazuma u predmetnom postupku nabavke.

**II**

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

**III**

Ova odluka stupa na snagu danom donošenja.



## O b r a z l o ž e n j e

Na osnovu Odluke broj 01-11-4-3971 od 30.07.2020. godine i Obavještenja o nabavci broj 1364-1-1-62-3-50/20 od 31.08.2020. godine, proveden je otvoreni postupak nabavke pogonskog goriva za potrebe Ministarstva unutrašnjih poslova Kantona Sarajevo, uz primjenu e-aukcije.

Javno otvaranje ponuda izvršeno je dana 24.09.2020. godine u 12:00 sati. Izvršena je kontrola načina uvezivanja ponude, odnosno primjena propisane forme dostavljenih dokumenata i validnost ponuda, o čemu je sačinjen Zapisnik o otvaranju ponuda i dostavljen ponuđačima u zakonskom roku.

Komisija je utvrdila da su u postupku nabavke, od strane ponuđača, postavljena četiri pitanja na koje je odgovoreno u predviđenom roku.

Tendersku dokumentaciju preuzelo je 12 ponuđača, a Ispravke/izmjene tenderske dokumentacije 6 ponuđača. Prispjele su četiri ponude "Hifa Petrol" d.o.o. Sarajevo, "Green Oil" d.o.o. Sarajevo, "Hifa-Oil" d.o.o. Tešanj i "Holdina" d.o.o. Sarajevo.

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je da su tri ponude formalno-pravno ispravne, a kod četvrtе, HOLDINA d.o.o. Sarajevo, je konstatovana računска greška, odnosno zaračunat je PDV i na iznos takse, te je s tim u vezi ponuđaču upućen dopis za korekciju greške.

Ponuđač je u propisanom roku dostavio korigovani Obrazac za cijenu ponude (71.720,00 KM, taksa 440,00 KM tako da ukupna ponuda sa PDV-om iznosi 83.837,60 KM), te su se stekli uslovi za zakazivanje e-aukcije.

E-aukcija je zakazana dana 05.10.2020. godine u sati 10:00 sati.

Nakon što je okončan postupak e-aukcije Komisija je održala sastanak 05.10.2020. godine u 14:00 sati i izvršila analizu Izvještaja o toku i završetku e-aukcije.

Prema Izvještajima o toku i završetku e-aukcije na dan 05.10.2020. godine ostvarene su sljedeće konačne vrijednosti ponuda, i to kako hronološki slijedi:

1. "Green Oil" d.o.o. Sarajevo u iznosu od 62.000,00 KM;
2. "Hifa-Oil" d.o.o. Tešanj u iznosu od 62.122,00 KM;
3. "Hifa Petrol" d.o.o. Sarajevo u iznosu od 63.866,48 KM i
4. "Holdina" d.o.o. Sarajevo u iznosu od 64.597,20 KM.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 68. stav (4) tačka i) i članom 70. Zakona o javnim nabavkama BiH („Sl. glasnik BiH“ broj 39/14), Komisija jednoglasno daje preporuku ministru MUP-a KS da donese odluku o dodjeli ugovora za nabavku pogonskog goriva za potrebe Ministarstva unutrašnjih poslova Kantona Sarajevo ponuđaču "Green Oil d.o.o. Sarajevo u iznosu od 62.000,00 KM bez PDV-a za dvije godine na koliko je predviđeno zaključivanje okvirnog sporazuma u predmetnom postupku nabavke.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



Cijeneći naprijed navedeno riješeno je kao u dispozitivu.

**POUKA O PRAVNOM LIJEKU:**

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.

**DOSTAVITI:**

1. Ponuđačima x4;
2. Upravi podrške,
3. Komisiji,
- ④ Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16

